



SKÖVDE

PRAVILA ZA ZAJAM DIGITALNOG ALATA

Prilog obrascu „Zajam digitalnog alata“ (SBU812-B)

1. Općenito

Pravila za zajam digitalnog alata važe između općine Skövde (Odsjek djeca i obrazovanje) i učenika (i njegovog staratelja) koji je primio i uzajmio digitalni alat.

2. Period zajma

Zajam važi za onaj period u kom je Zajmoprimac upisan u školu u općini Skövde, od dana potpisivanja priznanice do momenta kada Zajmoprimac završi školu, prekine svoje obrazovanje, ispiše se iz škole ili raskine ugovor. Pravila veže tokom čitavog perioda zajma. Eventualni otkaz se radi tako što se kontaktira direktor škole. Zajmoprimac ne smije da prepusti ili založi svoja prava i/ili obaveze prema ovom ugovoru. Ako bi došlo do ovrhe kod Zajmoprimca /staratelja ili ako bi se oni stavili u osobni stečaj, Zajmoprimac je dužan da o tom odmah obavijesti školu u općini Skövde. Zajmoprimac će prilikom isteka perioda zajma odmah vratiti alat zajedno sa adapterom za struju školi u općini Skövde. Prilikom vraćanja radi se procjena da li se stanje alata može smatrati normalnim habanjem.

Ne postoji mogućnost da se nakon perioda zajma otkupi digitalni alat.

3. Uvjeti za zajmoprimca

- Obrazovni alat je namjenjen školskom radu. Alat se mora uvijek donositi u školu i važno je da funkcioniра na časovima.
- Zajmoprimac je odgovoran za ispunjavanje uvjeta korištenja programa i drugog što se preuzima kod kuće ili na drugi način instalira na alat.
- Zajmoprimac je odgovoran za ono što se skladišti na alatu. Škola ne zamjenjuje programe, datoteke ili materijal koji se skladišti u alatu ako se, na primjer, hard disk mora promijeniti ili formatirati. Zajmoprimac je odgovoran za sigurnosno kopiranje.
- Račun zajmoprimca na Skolnet-u je osoban. Zajmoprimac ne smije pozajmljivati ili svjesno otkrivati lozinku. Nije dozvoljeno koristiti tuđi račun i lozinku.
- Zakoni društva važe i na Internetu. Alat se nikada ne smije koristiti na način koji je u suprotnosti sa važećim zakonodavstvom, n. pr. preuzimanjem/distribuciji materijala koji je zaštićen Zakonom o autorskim pravima. Posebno se napominju i zakoni Krivičnog zakonika o kleveti, uvredama i uvredljivom fotografiranju, te propisi Pravilnika o zaštiti podataka o neovlaštenom širenju osobnih podataka.
- Nije dozvoljeno mijenjati operativni sistem alata ili uništavati datoteke i postavke koje su dio osnovne konfiguracije.
- Ako općina, zbog nezakonitog rukovanja učenika bude odgovorna za štetu, općina može zahtjevati od učenika ili staratelja učenika isplatu nadokande na koju se šteta odnosi. Odgovornost proizilazi iz Zakona o nadoknadi štete te drugih važećih zakona u toj oblasti.

4. Odgovornost

Zajmoprimac je odgovoran za korištenje, skladištenje i transport alata na način da se on ne ošteti ili se riskira da se izgubi. Digitalni alat se uvijek mora, ukoliko nije drugačije dogovoreno, nositi kući nakon završenog školskog dana. Ako Zajmoprimac nepažnjom ili namjerno uzrokuje da se alat ošteti ili izgubi, Zajmoprimac i/ili staratelji će biti dužni da

nadoknade štetu koja je prouzrokovana Zajmodavcu polazeći od građansko-pravnih osnova. Staratelj je zajedno sa zajmoprimcem odgovoran da nadoknadi tako nastale eventualne troškove. **Apsolutno je zabranjeno** da se alat ostavi bez direktnog nadzora negdje drugdje, osim ako nije zaključan na sigurnom mjestu.

5. U slučaju nesreće, nemara, krađe i pljačke

U slučaju nesreće koja dovede do oštećenja alata ili ako se alat zagubi, uvijek se mora kontaktirati mentor. Ukoliko se alat izgubi, zajmoprimac/staratelj mora napraviti policijsku prijavu.

U slučaju štete uzrokovane nemarom ili namjerno zajmodavac radi procjenu pojedinačnog slučaja da li će se zahtjev za nadoknadu predati zajmoprimcu.

Digitalni alat je u višim razredima osnovne škole i u srednjoj školi obuhvaćen osiguranjem i garancijom prema sveobuhvatnom osiguranju (Allriskförsökring) za općinu Skövde. Zajmoprimac i/ili staratelj je odgovoran da prouči uvjete za sveobuhvatno osiguranje za općinu Skövde. Osiguranje pokriva određenu štetu koja nastaje kao posljedica **nesreće, krađe i pljačke** prema priloženim uvjetima osiguranja. **Svi predmeti osiguranja i garancije se moraju prijaviti Lin Education: <https://reparation.lin.education> odnosno na broj telefona 010-209 63 00 (izaberite 3) ili na service@lineducation.se** Za namjernu štetu koju Zajmoprimac uradi na alatu se **nikada** ne daje nadoknada iz osiguranja.

Zajmoprimac/Staratelj može da ispita da li vlastito osiguranje domaćinstva pokriva troškove za štetu na alatu koja nastane zbog nemara. U protivnom se može odabrati da se poveća zaštita osiguranja.

6. Ako ne pratite uvjete?

Digitalni alat je pozajmljena imovina. Ako Zajmoprimac koristi digitalni alat na način koji se kosi s pravilima, to može imati za posljedicu da Zajmoprimac privremeno neće moći da koristi ili raspoláže s alatom.

Dokument se također nalazi na web sajtu općine Skövde:
<https://www.skovde.se/barn--utbildning/digitala-verktyg/>

Kontaktni podaci

Općina Skövde

Kontaktni centar: 0500-498 000

E-pošta: skovdekommun@skovde.se

www.skovde.se